

## თავი 8

### ნორმატულ დანახარჯთა აღრიცხვის სისტემა

#### 1. ამოარჩიეთ არასწორი მსჯელობა - ნორმატულ დანახარჯთა სისტემა არის:

- ა. საწარმოო დანახარჯების შეფასებითი სისტემა წარმოების პროცესში, რომელიც ეყრდნობა წინასწარ განსაზღვრულ მონაცემებს;
- ბ. პროდუქტის ან მომსახურების ერთეულისათვის წინასწარ დაგეგმილი ხარჯი;
- გ. პროდუქტის ან მომსახურების ერთეულისათვის ფაქტიურად გაწეული ხარჯი.

#### 2. ამოარჩიეთ არასწორი მსჯელობა - ნორმატულ დანახარჯთა სისტემა

- ა. საწარმოო დანახარჯების შეფასებითი სისტემაა წარმოების პროცესში, რომელიც ეყრდნობა წინასწარ განსაზღვრულ მონაცემებს;
- ბ. მომავალში გასაწევი დანახარჯების წინასწარ განსაზღვრული სისტემაა;
- გ. წარმოების პროცესში ფაქტიურად გაწეული დანახარჯების აღრიცხვის სისტემაა.

#### 3. ნორმატულ დანახარჯთა სისტემის არსებობის დროს:

- ა. საჭიროა წარმოების მთლიანი ფაქტიური დანახარჯების აღრიცხვა;
- ბ. აღარ არის საჭირო წარმოების მთლიანი ფაქტიური დანახარჯების აღრიცხვა;
- გ. საწარმოს მენეჯმენტი თვითონ წყვეტს აღრიცხოს თუ არა წარმოების მთლიანი ფაქტიური დანახარჯები.

#### 4. ხელსაყრელია გადახრა, როცა

- ა. ფაქტიური დანახარჯები ნაკლებია ნორმატულზე;
- ბ. ფაქტიური დანახარჯები ნორმატულის ტოლია;
- გ. ფაქტიური დანახარჯები მეტია ნორმატულზე.

#### 5. არახელსაყრელია გადახრა, როცა

- ა. როცა ფაქტიური დანახარჯები ნორმატულის ტოლია;
- ბ. როცა ფაქტიური დანახარჯები ნაკლებია ნორმატულზე;
- გ. როცა ფაქტიური დანახარჯები მეტია ნორმატულზე.

#### 6. საწარმოო დანახარჯების გადახრა წარმოადგენს სიდიდეს, რომელი შეიძლება წამოიშვას

- ა. თვის განმავლობაში პროდუქტზე ფაქტიური დანახარჯების ნაცვლად ნორმატული დანახარჯების მიკუთვნებისას;
- ბ. თვის განმავლობაში პროდუქტზე ნორმატული დანახარჯების ნაცვლად ფაქტიური დანახარჯების მიკუთვნებისას;
- გ. თვის განმავლობაში პროდუქტზე ნორმატული და ფაქტიური დანახარჯების საშუალო მაჩვენებლის მიკუთვნებისას.

#### 7. ყოველი თვის ბოლოს:

- ა. მასალების გადახრის ანგარიშები ნულდება და მათი ნაშთი გადაიტანება “გაყიდვების თვითღირებულების” ან უშუალოდ პერიოდის ხარჯებში;
- ბ. საჭირო არ არის მასალების გადახრის ანგარიშების განულება თვის ბოლოს;
- გ. მასალების გადახრის ანგარიშები იხურება და მათი ნაშთი მიემატება იმავე პერიოდის შემოსავლებს.

**8. მასალების ფასის გადახრა იანგარიშება შემდეგნაირად:**

- ა. ფაქტიური რაოდენობისა და ნორმატული ფასის ნამრავლს აკლდება ფაქტიური რაოდენობისა და ფაქტიური ფასის ნამრავლი.
- ბ. ნორმატული რაოდენობისა და ნორმატული ფასის ნამრავლს აკლდება ფაქტიური რაოდენობისა და ნორმატული ფასის ნამრავლი;
- გ. არც ერთი პასუხი არა არის სწორი.

**9. ამოარჩიეთ არასწორი მსჯელობა:**

- ა. ნორმატული დანახარჯები წარმოადგენს დანახარჯების საკონტროლო მაჩვენებელს;
- ბ. ნორმატულ დანახარჯებს არ ექცევა ყურადღება გადახრების გამოთვლისას და ანალიზისას;
- გ. ბიუჯეტები ნორმატული დანახარჯების საფუძველზე მზადდება.

**10. ამოარჩიეთ არასწორი მსჯელობა:**

- ა. ნორმატული დანახარჯების არსებობა მნიშვნელოვანია დაგეგმვის, კონტროლისა და მოტივაციის განსახორციელებლად;
- ბ. ნორმატული დანახარჯების არსებობა მნიშვნელოვანია გადახრების გამოთვლისათვის და ანალიზისათვის;
- გ. საწარმოს ბიუჯეტი იქმნება, მენეჯმენტის გადაწყვეტილების შესაბამისად ან ნორმატულ დანახარჯთა საფუძველზე, ან ფაქტიურ დანახარჯთა საფუძველზე.

**11. მასალების გამოყენების გადახრა იანგარიშება შემდეგნაირად:**

- ა. ფაქტიური რაოდენობისა და ნორმატული ფასის ნამრავლს აკლდება ფაქტიური რაოდენობის ნამრავლი ფაქტიურ ფასზე;
- ბ. ნორმატული რაოდენობის ნორმატულ ფასზე ნამრავლს აკლდება ფაქტიური რაოდენობის ნორმატულ ფასზე ნამრავლი;
- გ. არცერთი პასუხია სწორი.

**12. ამოარჩიეთ სწორი მსჯელობა: თუკი თვის ბოლოს საერთო-სამეურნეო ხარჯების გამანაწილებელ ანგარიშზე აღმოჩნდება სადებეტო ნაშთი, ე.ი.**

- ა. არ ხდება ფაქტიური და ნორმატული ხარჯების შედარება;
- ბ. ფაქტიური ხარჯები უფრო ნაკლები აღმოჩნდა, ვიდრე ნორმატივით იყო დათვლილი;
- გ. ფაქტიური ხარჯები უფრო მეტია, ვიდრე ნორმატივის მიხედვით პროდუქციაზე მიკუთვნებული.

**13. ამოარჩიეთ სწორი მსჯელობა: თუკი თვის ბოლოს საერთო-სამეურნეო ხარჯების გამანაწილებელ ანგარიშზე აღმოჩნდება საკრედიტო ნაშთი, ე.ი.**

- ა. არ ხდება ფაქტიური და ნორმატული ხარჯების შედარება;
- ბ. ფაქტიური ხარჯები უფრო ნაკლებია, ვიდრე პროდუქციაზე ნორმატივის მიხედვით მიკუთვნებული;
- გ. ფაქტიური ხარჯები უფრო მეტია, ვიდრე პროდუქციაზე ნორმატივის მიხედვით მიკუთვნებული.

**ამოცანა 1**

“Z” პროექტის წარმოების ნორმატული და ფაქტიური დანახარჯების შესახებ გვაქვს შემდეგი ინფორმაცია:

**“Z” პროექტის ნორმატულ დანახარჯთა ცხრილი**

**პირდაპირი მასალა**

	ნორმატული რაოდენობა	ნორმატული ფასი	სულ დანახარჯი ლარი
”ა” მასალა	15	2.1	31.5
”ბ” მასალა	5	1,7	<u>8.5</u>
სულ პირდაპირი მასალა ერთეულზე			40

**პირდაპირი შრომა**

	ნორმატული დრო (სთ)	ნორმატული ფასი (ლარი)	სულ დანახარჯი (ლარი)
”ა” და ”ბ” მასალის ქიმიური ნაერთის დამზადება	1,5	18	27
ლუმელში გამოწრობა	<u>6</u>	4	<u>24</u>
<b>სულ შრომითი დანახარჯები</b>	<b>7,5</b>		<b>51</b>

ერთ პირდაპირ სამუშაო საათზე

საერთო-სამეურნეო ნორმატული დანახარჯი 19 ლარი

ჯამი: ერთეული პროექტის ნორმატული დანახარჯი 110 ლარი

წარმოებულია 1 000 ცალი “Z” პროექტი.

წარმოებისას ადგილი ჰქონდა შემდეგ ფაქტიურ დანახარჯებს:

**“Z” პროექტის ფაქტიურ დანახარჯთა ცხრილი**

**პირდაპირი მასალა**

	ფაქტიური რაოდენობა	ფაქტიური ფასი	სულ ფაქტიური დანახარჯი, ლარი
”ა” მასალა	16	2.15	34.4
”ბ” მასალა	4,5	2	<u>9</u>
სულ პირდაპირი მასალა ერთეულზე			43.4

**პირდაპირი შრომა**

	ფაქტიური დრო (სთ)	ფაქტიური ფასი (ლარი)	სულ ფაქტიური დანახარჯი (ლარი)
”ა” და ”ბ” მასალის ქიმიური ნაერთის დამზადება	2	16	32
ლუმელში გამოწრობა	<u>6</u>	4	<u>24</u>
<b>სულ შრომითი დანახარჯები</b>	<b>8</b>		<b>56</b>

ერთ პირდაპირ სამუშაო საათზე

საერთო-სამეურნეო ფაქტიური დანახარჯი 18,6 ლარი

ჯამი: ერთეული პროექტის ფაქტიური დანახარჯი 118 ლარი



**ამოცანა 3**

Z პროდუქტის საწარმოებლად ნორმატიულად გამოიყენება 0.4 ტონა მასალა.

1 ტონა მასალის ნორმატიული ფასი არის 30 ლარი.

აპრილის განმავლობაში წარმოებულ იქნა 500 ერთეული და მოხმარებული იქნა 223 ტონა მასალა, რომლის ღირებულება იყო 6913 ლარი. რისი ტოლია ძირითადი მასალის გამოყენების გადახრა?